

王
船
山
遗
书

王

船

山

遺

書

薑齋五

十
自
座

臺

後學吳讓之書首

同治四年湘鄉曾
氏棨于金陵節署

五十自定稿

船山遺書四十九

衡陽王夫之譔

四言詩

和陶停雲贈芋巖五十初度

乙巳

蒸蒸良稼滌滌靈雨滋
涓以榮炎威莫阻君子不遐如琴
在撫無念古人空爾延佇

道延今者爰如鴻濛靡明靡日
靡流靡江如彼暗室召暉
于牕匪君子任其孰能從

有梅有梅霜裛其榮人恤爾寒
爾怡予情不愆日邁不負
月征維仁引年以保爾生

喬喬豫章執彼斧柯匪不日勞許許維和天期不假物望
實多遽生知化日益云何

雜詩

丁未

清夕始澄孤月出林繁陰繹繹今我乍歆昔者驅車適彼
四野求我友生贈以瑤竿昔者乘舟順彼中流解我衝牙
以贈同仇迢迢南山崔崔峻巒暮雲羣飛谷風瀉湍陽鴈
差池矧彼鷹鷂余生不再余命不雙短襟自寒朔風搖缸
歲暮薇枯飢誰與同

五言古詩

分界嶺

戊子

行役杳窮極愁心積紛詭薄暮晦靄宿晨望霏微起蜃氣
迎山雲蒼流奔海水桂開信天樞南條遷物理揮手謝寒
烟回頭訝楓紫溟遊漸窮髮行歌聊匪兕勾漏引丹砂云
何駐芳紀

晨發端州與同鄉人別

巳丑

海甸見新草故園入春心天涯共萋萋誰能辨淺深寒潮
落沙影曉塔鬱曾陰日南絕征鴈桂水孤歸禽遙分前渚
淚共溼故人襟

蒼梧舟中望繫龍洲

暮雲籠山碧綠樹沉流影中江瀑珠分孤嶼畫簷整團圞

五言自定稿
紫茸合森蕭翠光冷秀挺旣歆別高涵亦危秉煙浦極遠
天榭香吹隔嶺凌晨泝兩槳卽目飽幽境萬古蒼梧愁因
茲慰孤耿

初入府江

粵草易春深駛流知潮遠樵火垂野雲灘花媚絕巘林迂
委岸陰水綿俯蘿偃江介愛棲回芳菲惜遲晚昔來取慰
莊吾窮良悼阮生事有幽棲天遊恣冥返

佛山

昔聞滄波興挂席獎微嚮荔棹戒晨征葑田果迎望山盡
時遠飄川分故微漾星河搖碧綴天氣復青蕩寄身良已

孤行吟空自壯萬端散紛詭吾道有興喪無取笑支離徒
滋胥禽尙繁慮本物先冥歡輟想像遲爾海鴻飛明珠懷
佳貺

雜詩四首

結璘耀東方搖輝散庭圯褰帷視玉衡何爲倏東指汎愛
惜流光合悵撫逝水鷗鳩天涯鳴繁英怨游子東園積落
芳安問桃與李悲歌無與聽拊琴復中止

孤雲起江漢搖影自徘徊飄風不相待吹落陽雲臺膚寸
旣違陰炎威已復開清音闕廣野鸞歌誰爲來欲因廣成
子返此元息胎時哉不易遇摧折使心哀

昔我遊漢水遙與神女期琅玕非所歡玉珮空相貽願託
雙鳳鳥當時聽者誰不惜靡蕪死將爲蔓草欺溝水自東
下繁星已西馳幽谷返椒岑琴心終自知

悲風動中夜邊馬嘶且驚壯士匣中刀猶作風雨鳴飛將
不見期蕭條阻北征關河空杳靄烟草轉縱橫披衣視良
夜河漢已西傾國憂今未釋何用慰平生

胡安人挽詩

序

庚寅

小司馬彭然石焱徵其元配胡安人殉節詩余方
移疾待罪不敢居風雅之列已蒙恩得赦唐宮簷
誠以次金黃門堡韻七言四章付余屬和余別爲

五言擬神絃之曲安人沈玉黔陽司馬從王嶺外
妥貞靈招義魄抑必有深情將之李少翁臨叩道
士之事抑非貞魂所憲聞楚有二招用以慰烈隕
返幽素連類而銘之不亦可乎

幽蘭白著花菖蒲自成節激流難久生谿風易吹折夙昔
蘭閨英金弢送遠道厯厯視明星悠悠思春草春草生有
時黃塵飛不已白玉忍蒙沙清流怨何駛上有龍標月下
有沅江水沅水自東流梧雲向南開蒲花生石上芳節待
歸來

晨發昭平縣飛雨過驢脊峽上泊甌灘會月上有作

孤遊息魂營涼泛叶形美清晨理桂檝薄言遵遠水遂欣
斯望協遺彼羣象詭微雨前峯來清光錯表裏胥颯歆飛
雪婉約弄明綺下倚驚瀨鳴俄開新翠起雲倦偶失羣雷
殷歛何止金光界波流大火循西指飛鳥歸有期勞榘聊
文艤歷憶眾峯外延秀紛可紀人籟偶旁託眞賞歸大始

遊子怨哭劉母

辛卯

北風吹凝雲遊子行不息易挽遊子車難駐桑榆色車輪
遽已遠流光太相逼遊子豈不知遐心蕩憑軾

憑軾日以遠流光日以晚夜望曷旦鳴夕待牛羊返寒風
動明燭疑見遊子飯夜夢續晨愁九秋成偃蹇

偃蹇不相期遲暮豈自持昔爲倚閭歎今爲絕命思詎怨
遊子去翻憐遊子悲啾啾孤鳥鳴颺颺垂風絲
絲斷不復理鳥鳴哀難止三年九春絕衰草凌霜靡行行
向隧道邑邑歌蒿里揜涕會有時蒼天終何已

小霽過楓木嶺至白雲菴雨作觀劉子參新亭紋石
留五宿劉云亭下石門石座似端州醉石遂有次作
松級偶晨登樾館聊夕止輕裾挾餘滋溪烟宛方起夫君
碧雲期良會伫難委凌霄豈有捫步秀方可紀流耳延雨
聲驚華粲石理架閣馭微霄初英散新紫雲觀權眾木神
樓聳弱水仙遊亦在區魏榭空云綺淹宿有餘清實歸載

留喜

三歲度嶺行薄言觀世樞壯心銷流丸林泉聊據梧歸心
存醉石取似在粉榆江湖憂已亟神尻夢可趨漆吏稱昔
至周臣懷舊都流止互相笑外身理不殊委形憑大化中
素故不渝興感既有合觸遇孰爲拘海塵無定變聊崇芳
蘭軀

春日書情

乙未

春雲覆千里飛雨來微霄良陰不待旦宿昔非崇朝蘅臯
英猶緩蕙圃芳未遙連卷仍故藹蓐被麗新條佳入阻采
若含情虛握椒行邁匪康塗中心寫長謠

西莊源所居後嶺前壑古木清沼凝陰返暎念居此

三載行將舍去因賦一詩

丁酉

物遇日屢遷流止暫不遺浮雲出丹巘游鯈遵綠漪心知
旣無滯軀質匪有期俯仰同久乍令我奄宅茲修竹叢尙
穉岡桐蔭每移雲岫半明滅霞嶂時參差坐聞春鳥鳴亦
睹秋葉離凌景延圓暉迎寒卻涼颼回首舜帝峯濯足春
水湄芳草良未歇佳期行可規行道昔已靡槁本今何居
俄頃已藉用乘乘將焉之

冬遇

太華蛻奇骨黃河問靈軀風雨恣所狎金石等不渝堅脆

各叛紀正襟守中樞覲閔嬰陸沉隕問戒斯須吾生匪蜚
雉物狀漫紫朱聊息朱鳥麓夢無金簡書延彼堪輿情充
茲營魄虛晶宇滌宿雲回風蕩椒隅薄嵐開夕暎寒英媚
霜趺佳期無定軫元化隨與俱悅心道已廣栖貞鄰豈孤
三壽同修促二見息肥灌

山居雜體卦名

己亥

豫子殉其道井生貴所希坎流邈殊塗旣濟愉同歸比肩
通異理蒙袂輕調飢蹇余紉秋蘭升高舉野薇剝芋充晨
餐畜荷資霜衣離離勞椒房鼎鼎閉松扉履石探晴雲臨
崖歛夕暉益知榮公樂漸看卜子肥願生喻明牕觀物避

炎威隨茲寒暑謝遯迹冀無違

來時路

悼亡

辛丑

來時苦大難寒雨飛灑灑今者復何日秋原稱葉黃遵路
行以悲飄風吹我裳流目心自喻劇結車輪腸

人生苦經歷精爽定往還踟躕行俟之輕煙靄容顏飛鳥
過我前流泉鳴其閒欲語不得接浮雲云何攀

迢迢荒原路曲曲粵楚甸匪羊亦匪牛窮日歷郊箐蘗苦
梅復酸宛轉遂所繯凜矣秋霜心哀哉白日變

此先君子輓先妣鄭孺人之詩孺人襄陽人外祖
父文學公諱儀珂字履聲宗伯公鳴峴先生諱繼